



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Quem oporteat esse vestitum ministrantium in hisce Ecclesiis. 8

urn:nbn:de:hbz:466:1-14298

Autor. 4. id est, Regulares. Neque enim clam est, pri-
mam eorum originem Monasticae disciplinæ
fuisse. Imitentur Apostolos & nascentis Ec-
clesiae ministros, quorum erat cor unum &
anima una; qui quotidie (ut in Actis Apostoli-
cis legimus) perdurantes unanimiter in tem-
plo, & frangentes circa domos panem, sumen-
tibus cibum cum exultatione & simplicitate
cordis, perseverantes in orationibus, collau-
dantes Deum, & habentes gratiam ad omnem
plebem. De tali conventu Psaltes dixit: Ecce
quam bonum & quam jucundum, habitare fra-
tres in unum. Qui &, compellans ac provo-
cans ejusmodi conventum, ait: Ecce nunc
benedicite Domino, omnes servi Domini; qui
statis in domo Domini, in atris domus Dei
nostris. Porro Ecclesiae istæ Collegiatæ quan-
dam vetustatem spirant, & Ecclesiae primiti-
væ institutum præ se ferunt; quod vel forma
ædificiorum ostendit, quæ Canonicos, pro-
pe templum, in unum pene habitaculum col-
locavit, ut, procul à promiscua multitudine
separati, Divinis pariter laudibus jugiter insi-
sterent.

Autor. 2.

Psal. 133.

Ibid.

C A P. VI. *Inter sacra nihil ne cogitan-
dum quidem, quod Dei aut Ecclesiæ
oculos offendat.*

L Onge vero abominabile est, quod qui-
dam tum, cum Divina aguntur, inter fœ-
de rebus prophani tractant, miffationes,
colloquia, ritus & cachinnos intermiscent.
Quidam, aut in aliquem Chori angulum se re-
cipientes, de nugis, ne quid gravius dicamus,
commentantur; aut foris per templum ma-
gno cum populi offendiculo deambulantes,
oculos pariter & aures ad vanitatem conver-
tunt, atque sacra loca fœdant, positi in lapi-
dem offensionis & petram scandali. Hac lege
nullum excipimus, five claris sit natalibus pro-
gnatus, five plebejus. Quin potius, qui gene-
re præstant, meminerint, le illic Canonicos
agere, & conversari, non in aulis, sed in scho-
lis virtutum ac Ecclesiasticae disciplinæ.

C A P. VII. *Decani templi summi pot-
estas in prævaricatores.*

F Acimus quoque Decano Ecclesiæ Nostræ
potestatem, personas Ecclesiasticas, ex aliis
Collegiatis Ecclesiæ, interdum magis curiosi-
tate rerum novarum quam devotionis causa,
ad templum summum le recipientes, ac inibi,
præter omne decorum, saepe etiam Ecclesi-
stico habitu non amictas, inter Laicos sursum
ac deorsum inambulantes, pœna Canonica,
nimirum suspcionis temporariae, aut majori
etiam, pro ratione culpæ, coercendi.

C A P. VIII. *Quem oporteat esse vesti-
tum ministrantium in hisce Ecclesiæ.*

D E vestitu Clericorum ante diximus, qui
in his tanto debet esse decentior, quanto
sunt altiori loco, perindeque atque in speculo
quodam constituti. Sit ergo chorum ingre-
dientibus vestis talaris, sint pilei, (quæ bireta
vocabus,) sint camisiae, sint denique calcei pa-
riter & caligæ tales, in quibus non fastus, ja-
ctantia, elationis vitium, vel mentis levitas, sed
Clericalis Ordinis honestas & modestia, de-
prehendatur. Siquidem ita semper visum est
majoribus nostris, externum habitum, quid
intus crepet, designare; adeo ut & leges Ci-
viles injuriam, matronæ, habitu meretricio
utenti, illatam, non vindicent; ac Canones Hon. 3.
Clericum, non alligatum conjugio, habitum ac
exparsitate tonsuram Clericales deserentem, post tertiam
de priu. monitionem; Clericum vero conjugatum, sta-
tum, Privilegio exnant Clericali: adeo ut, sic in
maleficis deprehensi, animadversionem civi-
lium Magistratuū non evadant. Ne autem post
hoc quispiam excusationem non facta aut præ-
via monitionis prætextat; hac Nostra Synodali
privile-
confi-

constitutione omnes. (quotquot sunt in nostris Diœcesis constituti) Clericos, qui habitu minus decenti utuntur, monemus, ut intra tres menses, quorum singulos pro singulis dilationibus, tertium vero uti peremptorium terminum præfigimus, habitum qui Clericos deceat, reallumant; alioqui ipso facto, nulla posthac alia monitione expectanda, in censuras ac poenas constitutionum Canonicarum incursum.

CAP. IX. *Decani undique ad vigilabunt.*

Quo ergo hæc, quæ diximus, repurgentur, ac debite simul cum omnibus aliis, ac Divini Officii prosecutionem ac Chori disciplinam spectantibus, obseruentur, Decanus diligenter invigilabit, hinc & hinc circumspiciens, ne quid inordinate fiat.

CAP. X. *Ante omnia vero, ut Canonicis sacris ad sint.*

CVi ante omnia curæ erit, ne quis Canonicorum sacris absit, sed ut, qui emolumen-
tum ferre volent, Officium quoque suum, propter quod beneficium datur, in Ecclesia gerant. Aurelianensi Concilio cavetur, Clericos, qui Officio aedes contemnunt, Ecclesiasticam disciplinam arbitrio Episcopi recepturos. Sed facile castigabitur hic lapsus, si negligentes, subtractione proventuum seu distributionum, mulcentur. Quare, qui ab Epistola lectione, exinde toti Missæ, & à primo psalmo, singulis horis Canonis integris, ac minime truncatis, ac minime interpellatim (nisi forsitan necessitate avocante, petitaque ac obtenta licentia,) non interfuerit, iustum est, ut hic illius Horæ aut Officii stipendio in totum careat.

CAP. XI. *Vicarii, ut divinis laudibus decantandis intersint, adigendi.*

Qvi Vicarii dicuntur, in quibusdam Collegiis se in libertatem quandam potius carnis, quam spiritus, vindicare contendunt, nolentes Choro, decantandisque, simul cum Canonis, Divinis laudibus ac sacris, esse additi: sed hi resipiscant, ac incipiunt intelligere, cur Vicarii dicuntur; Superpellicies quoque utantur. Cujus enim vices gerent, nisi Canonis adjutores accedant? horum nimis vice, qui, vel adversa valetudine detenti, vel negotiis necessariis avocati, interesse non possunt. Cur tandem superpellicies utentur, qui Chori sacris se mancipatos non agnoscent? In ordinem ergo Disciplinæ redigantur; suspensionisque poena, etiam à fructibus, nedium quotidianis illis qui distribuantur, sed

à grossis etiam, pro culpæ modo, animadver-
tendum in non parentes.

CAP. XII. *Ad personalem residentiam cogendi, quibus hæc per fundationes beneficiorum est imposta.*

QVORUM fundationes personalem residen-
tiam requirunt, illi aut ipsi resideant,
aut a proventuum perceptione suspendantur,
& fructus illi in alios pios usus convertantur;
nisi qui Reipub. cauta ex autoritate Nostra
abfuerint.

CAP. XIII. *Lucri tantum causa sacris adesse non oportere.*

VTINAM optando à Deo Opt. Max. conse-
qui possimus, ne quisquam lucri causa di-
vinis interestet, alioqui non accessurus sacra;
veluti quem nummi magis, quam Dei amor
in templum trahit; quæcum pietatem esse put-
tans: qui, non dubium, ex numero eorum est,
de quibus Esaias dixit: Omnes diligunt mu-
nera, sequuntur retributiones. Nec multum
is abest (uti plerisque doctissimi viris placuit)
ab horrendo crimen Giezi, qui exstinxavit,
divinum munus pecunia redimendum. Quare
viderint Clerici Nostri, ut eorum mens & in-
tentio tota in Deum referatur, ut cum David
confiteantur Deo in directione cordis, ac in
labiis suis pronuncient omnia judicia oris
ejus: in via etiam testimoniorum Domini de-
lecentur sicut in omnibus divitiis. Optan-
dum, ut Psalmus ille centesimus decimus
octavus, qui toties non sine causa in Ecclesiis
replicatur, ore simul & correspondente singu-
lari verbis mente decantetur; & cum eodem
Psalte ex animo dicatur: Voluntarie sacrifi-
cabo tibi, & confitebor nomini tuo Domine,
quoniam bonum est. Non admittit Christus,
sed decernit, operanti, suam mercede: Dignus
est enim operarius mercede de sua. Et qui Altar-
ario defervit, de Altario & vivet. Sed in-
terim cogitare debet Clericus, se vivere non
ut edat, sed edere ut Christo vivat, habereque
semper mente reconditum Christi verbum:
Primum quærere regnum Dei, & justitiam
ejus; & hæc omnia adiicientur vobis.

Isaia 1.

4 Reg. 5:

Psalms 118.

Psal. 53.

I Cor. 9.

I Tim. 3.

Matt. 6.

CAP. XIV. *Capitula discipline qua-
liter observanda.*

CAPITULA vero Disciplinæ (quæ vocant) multo majori diligentia obseruentur, atque hactenus. Id ita fiet, si non tam prophana quam res sacræ in his tractentur; si de moribus inquiratur; si vita expendatur singulorum; & quod olim sancti Patres fecisse dignoscuntur, extemporali oratione interdum commonerentur fratres, & imprimis ad

Ioan. 4.

sacras